

(3) Status kadeta, odabrani kandidat stiže od trenutka kada sa Upravom policije zaključi ugovor o upućivanju na osnovnu obuku.

(4) Troškove osnovne obuke kadeta snosi Uprava policije.

Član 4.

(Prava i obaveze iz ugovora o upućivanju na osnovnu obuku)

(1) Ugovorom iz člana 3. stav (1) ovog pravilnika, Uprava policije se obavezuje da sa kadetom po uspješno završenoj osnovnoj obuci potpisuje ugovor o radu i raspoređuje kadeta na radno mjesto za koje je završio osnovnu obuku (radno mjesto policajca ili mladeg inspektora).

(2) Ugovorom iz člana 3. stav (1) ovog pravilnika, kadet se obavezuje da:

- a) završi uspješno osnovnu obuku prema nastavnom planu i programu koji provodi Policijska akademija,
- b) nadoknadi sve troškove obuke na Policijskoj akademiji i eventualnu dodatnu štetu u slučaju samovoljnog napuštanja osnovne obuke ili isključenja do kojeg je došlo njegovom krivicom, ako zbog nepoštivanja disciplinskih ili drugih propisa Policijske akademije, konačnom odlukom nadležnog organa ove institucije bude isključen sa Policijske akademije, ako sa uspjehom ne završi školovanje na Policijskoj akademiji, te ako po uspješno završenoj obuci ne zasnuje radni odnos, odnosno ako ne stupi na dužnost policijskog službenika Uprave policije.
- c) u trajanju od tri godine od dana zaključenja ugovora o radu, obavlja poslove i zadatke radnog mjesta na koje bude raspoređen nakon zaključenja ugovora o radu. U slučaju da mu u tom vremenskom trajanju prestane radni odnos po njegovom zahtjevu ili usljed njegove krivice obavezan je da nadoknadi sve troškove obuke na Policijskoj akademiji.

(3) Kadetu koji ne završi uspješno osnovnu obuku u skladu sa stavom (2) tačka a) ovog člana, prestaje status kadeta, a zaključeni ugovor o upućivanju na osnovnu obuku se smatra ništavim, te se sa kadetom ne zaključuje ugovor o radu iz stava (1) ovog člana.

(4) Ugovor o upućivanju na osnovnu obuku obuhvatać će i odredbu da iz naročito opravdanih razloga kadet može da ne stupi na rad, odnosno da prekine rad i prije proteka vremena propisanog u stavu (2) tačka c) ovog člana.

Član 5.

(Gubitak statusa kadeta)

Kadet gubi status ako:

- a) na vrijeme ne stupi na osnovnu obuku;
- b) napusti ili prekine osnovnu obuku;
- c) bude isključen sa osnovne obuke;
- d) ne završi uspješno osnovnu obuku.

Član 6.

(Sačinjavanje ugovora o upućivanju na osnovnu obuku kadeta)

(1) Ugovor o upućivanju na osnovnu obuku kadeta sačinjava organizaciona jedinica Uprave policije nadležna za kadrovske poslove.

(2) U skladu sa potrebama sadržina ugovora o upućivanju na osnovnu obuku kadeta može sadržavati i dodatna prava i obaveze kadeta kao i Uprave policije pored međusobnih prava i obaveza propisanih ovim pravilnikom.

Član 7.

(Stupanje na dužnost policijskog službenika)

Kadet koji je rješenjem raspoređen na radno mjesto policajca ili mladeg inspektora stupa na dužnost polažući zakletvu.

POGLAVLJE III - PRELAZNE I ZAVRŠNE ODREDBE

Član 8.

(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

Član 9.

(Prestanak važenja ranijeg propisa)

Stupanjem na snagu ovog pravilnika prestaje da važi Pravilnik o procedurama za osnovnu obuku i obavezama kadeta tokom osnovne obuke broj 01-240/07 od 06.04.2007. godine i broj 01-1132/08 od 17.12.2008. godine.

Član 10.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-8985

Ministar

30. oktobra 2019. godine

**Admir Katica**, s. r.

Na osnovu čl. 21. stav (2) tačka e) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), čl. 127. tačka j) i 65. stav (2) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

**PRAVILNIK**

**O OBLIKU I SADRŽAJU UGOVORA O RADU**

Član 1.

(Predmet)

Ovim pravilnikom bliže se propisuje oblik, sadržaj i druga pitanja u vezi sa ugovorom o radu koji se zaključuje između Uprave policije Ministarstva unutrašnjih poslova Kantona Sarajevo (u daljem tekstu: Uprava policije) i policijskog službenika.

Član 2.

(Ugovor o radu)

- (1) Ugovor o radu zaključuje se u pisanoj formi.
- (2) Ugovorom o radu između Uprave policije i policijskog službenika zasniva se radni odnos i uređuju međusobna prava i obaveze.

Član 3.

(Osnovni elementi ugovora o radu)

Ugovor o radu sadrži sljedeće podatke:

- a) naziv i sjedište Uprave policije;
- b) ime i prezime, prebivalište, odnosno boravište policijskog službenika;
- c) čin policijskog službenika;
- d) datum početka rada, odnosno zasnivanja radnog odnosa i trajanje ugovora;
- e) organizaciona jedinica, radno mjesto, odnosno poslovi i radni zadaci na koje se policijski službenik raspoređuje;
- f) dužina i raspored radnog vremena;
- g) odmori u toku radnog dana i u toku rada;
- h) plaća, dodaci na plaću, naknade, ovlaštenja, način i period isplate;
- i) prava, obaveze i odgovornosti policijskog službenika koja proističu iz zakona, podzakonskih akata, i drugih općih akata i ugovora o radu;
- j) prava i obaveze Uprave policije prema policijskom službeniku,
- k) druge podatke koji su u vezi sa radom i uslovima rada koji su utvrđeni zakonom, podzakonskim aktima ili općim aktima Uprave policije.

Član 4.

(Nastanak prava, obaveza i odgovornosti iz radnog odnosa)

Prava, obaveze i odgovornosti iz radnog odnosa nastaju na dan kada policijski službenik počne raditi na osnovu zaključenog ugovora o radu.

**Član 5.**

(Obrazac ugovora o radu)

Ugovor o radu između Uprave policije i policijskog službenika zaključuje se prema Obrascu ugovora o radu koji je sastavni dio ovog pravilnika.

**Član 6.**

(Primjena ugovora o radu u slučaju donošenja novih propisa)

U slučaju da nakon zaključenja ugovora o radu dođe do izmjene ili dopune ili donošenja novih propisa koji su predmet ugovora o radu, primjenjuju se odredbe tih propisa.

**Član 7.**

(Ravnopravnost spolova)

Gramatička terminologija u ovom pravilniku podrazumijeva uključivanje oba spola.

**Član 8.**

(Prestanak primjene propisa)

Ovim pravilnikom stavlja se van snage Pravilnik o obliku i sadržaju Ugovora o zaposlenju broj 01-27/07 od 08.01.2007. godine.

**Član 9.**

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-8984  
30. oktobra 2019. godine

Ministar  
**Admir Katica**, s. r.

Obrazac - Ugovor o radu

**UGOVOR O RADU**

Zaključen između:

1. Uprave policije Ministarstva unutrašnjih poslova Kantona Sarajevo (u daljem tekstu: Uprava policije) sa sjedištem u Sarajevu u ul. \_\_\_\_\_, koju zastupa policijski komesar kao poslodavac,

i

2. \_\_\_\_\_ (\_\_\_\_\_) \_\_\_\_\_, JMB \_\_\_\_\_, kao zaposlenik (u daljem tekstu: policijski službenik).

Ugovorne strane su se sporazumjele o slijedećem:

**Član 1.**

Zaključivanjem ovog ugovora između ugovornih strana zasniva se radni odnos na neodređeno vrijeme.

**Član 2.**

Policijski službenik stupa na rad u Upravi policije dana \_\_\_\_\_, u činu \_\_\_\_\_, IV stepenom stručne spreme / ili u činu \_\_\_\_\_, sa završenom \_\_\_\_\_ (navesti vrstu visoke stručne spreme u skladu sa članom 52. stav (1) tačka c) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19)), na radno mjesto \_\_\_\_\_, o čemu se donosi posebno rješenje nakon zaključenja ovog ugovora shodno odredbama Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), (u daljem tekstu: Zakon).

Stupanjem na rad policijski službenik obavezan je da obavi probni rad u trajanju od 12 mjeseci, koji obuhvata uvođenje u posao i radni period, kad policijski službenik vrši redovne policijske dužnosti i odgovornosti radnog mjesta na koje je raspoređen.

Policijskom službeniku koji zadovolji na probnom radu potvrđuje se zapošljavanje u Upravi policije, a u slučaju da je ocjena probnog rada "ne zadovoljava", policijskom službeniku prestaje ugovor o radu u skladu sa članom 17. ovog ugovora.

**Član 3.**

U toku trajanja radnog odnosa, ukoliko to zahtijevaju interesi Uprave policije, policijski službenik se može interno premjestiti i rasporediti na drugo radno mjesto, a uz njegovu saglasnost isti se može privremeno premjestiti u drugi policijski organ u Bosni i Hercegovini, uključujući i upućivanje na rad van područja Bosne i Hercegovine, u skladu sa važećim zakonskim i podzakonskim propisima koji regulišu ovo pitanje.

**Član 4.**

Sedmično radno vrijeme policijskog službenika je 40 sati sedmično, što ne uključuje odmor u toku radnog dana propisan važećim zakonima, a dužinu i raspored radnog vremena, uključujući odmor u toku radnog dana, dnevni i sedmični odmor, policijski službenik će koristiti u skladu sa važećim propisima koji regulišu ovu oblast.

**Član 5.**

Za rad po ovom ugovoru policijski službenik ima pravo na plaću, dodatke i ostale naknade propisane Zakonom, kolektivnim ugovorom i drugim propisima koji regulišu ovu oblast.

Isplata plaća i naknada plaća, kao i pripadajućih poreza i doprinosa, vršit će se mjesečno za prethodni mjesec u skladu sa propisima koji regulišu način i rokove isplate plaća zaposlenicima budžetskih korisnika Kantona Sarajevo.

**Član 6.**

Policijski službenik i Uprava policije su saglasni da se plaća može umanjiti zbog utvrđene disciplinske ili materijalne odgovornosti.

**Član 7.**

Policijski službenik ima pravo na godišnji odmor, a trajanje, vrijeme i način korištenja godišnjeg odmora utvrđuje se rješenjem po odredbama Zakona.

Rješenjem policijski službenik ima pravo na plaćeno i neplaćeno odsustvo u skladu sa Zakonom, kolektivnim ugovorom i podzakonskim aktima.

**Član 8.**

Policijski službenik ima pravo na staž osiguranja s uvećanim trajanjem (beneficirani staž) propisan Zakonom.

**Član 9.**

Policijski službenik pri vršenju svojih dužnosti rukovodit će se opštim interesom, te naročito služiti i pomagati javnosti.

Policijski službenik bit će nepristrasan, te će izbjegavati aktivnosti ili propuste koji su nespojivi sa dužnostima ili koji krše dužnosti regulirane Zakonom.

Policijski službenik uvijek će se uzdržavati od javnog ispoljavanja političkih uvjerenja, a od javnog ispoljavanja vjerskih uvjerenja dok je na dužnosti.

Policijski službenik neće tražiti niti prihvatati za sebe ili svoje srodnike bilo kakvu dobit, korist, uslugu ili kakvu drugu naknadu, osim onih dozvoljenih Zakonom.

Policijski službenik će i tokom i izvan radnog vremena djelovati na način koji odgovara interesu i ugledu policijskog organa.

Policijski službenik će se pridržavati zakonito izdatih naredbi po hijerarhijskoj liniji rukovođenja kao i svih drugih dužnosti propisanih Zakonom i podzakonskim aktima.

Policijski službenik u vršenju svojih zadataka će se rukovoditi principima utvrđenim u etičkom kodeksu za policijske službenike koji donosi policijski komesar.

Policijski službenik je dužan da poslove i zadatke provođenja zakona, zaštite života i lične sigurnosti građana, sprečavanja izvršenja krivičnih djela i hvatanja njihovih počinitelaca, kao i poslove i zadatke održavanja javnog reda i mira, vrši u svakoj prilici bez obzira da li se nalazi na službenoj dužnosti i da li mu je to posebno stavljeno u zadatak.

U slučaju preduzimanja mjera i radnji iz prethodnog stava ovog člana policijskom službeniku pripadaju sva prava i

ovlaštenja policijskog službenika koji se nalazi na službenoj dužnosti.

**Član 10.**

Policijski službenik će čuvati kao tajne sve povjerljive podatke i materijale do kojih dođe, osim kada zakonske odredbe zahtijevaju drugačije.

Policijski komesar može iz valjanog razloga ili po zahtjevu ovlaštenog organa osloboditi sadašnjeg ili bivšeg policijskog službenika obaveze čuvanja tajnosti podataka u skladu sa važećim propisima iz oblasti zaštite tajnih podataka.

Obaveza čuvanja tajnih podataka i materijala iz prvog stava ovog člana se nastavlja i nakon prekida radnog odnosa policijskog službenika.

**Član 11.**

Rad policijskog službenika se ocjenjuje najmanje jednom godišnje na osnovu Zakona i podzakonskog akta koji regulišu ovo pitanje.

**Član 12.**

Policijski službenik ne može zauzimati položaj, vršiti funkciju ili aktivnost nespojivu sa njegovim službenim dužnostima, a posebno: ne može vršiti javnu izbornu dužnost niti biti nosilac bilo kakve izvršne funkcije koja podrazumijeva imenovanje od strane bilo kojeg tijela vlasti na bilo kojem nivou u Bosni i Hercegovini, osim imenovanja na poziciju rukovodioca i zamjenika rukovodioca policijskih organa u Bosni i Hercegovini, ne može obavljati nikakvu dodatnu aktivnost uz naknadu osim naučnog i pedagoškog rada, rada u umjetničkim, sportskim, humanitarnim i drugim organizacijama čija djelatnost nije u sukobu sa interesima službe, uz prethodno odobrenje policijskog komesara, ne može biti član političke stranke niti slijediti uputstva političkih stranaka, niti biti predložen od političke stranke za imenovanje na bilo koju izvršnu funkciju, niti u policijskoj uniformi prisustvovati skupovima političkih stranaka ili drugim političkim skupovima, osim ukoliko je na dužnosti, ne može davati javne izjave niti na drugi način javno komentirati rad policijskog organa bez odobrenja policijskog komesara.

Po sticanju statusa policijskog službenika, policijski službenik, u skladu sa Zakonom, daje sve informacije o funkcijama i djelatnostima koje vrši, kao i podatke o imovini kojom raspolaže u formi izjave ovjerene od strane nadležnog organa, a u skladu sa važećim propisima. Svi podaci iz ovog člana pohranjuju se u kadrovskoj evidenciji policijskog organa u skladu sa važećim propisima iz oblasti zaštite ličnih podataka.

**Član 13.**

Ugovorne strane su saglasne da se omogući sloboda sindikalnog udruživanja u skladu sa zakonskim propisima.

**Član 14.**

Uprava policije se obavezuje da će policijskog službenika snabdijevati pripadajućom uniformom, opremom, naoružanjem, radnim prostorom i sredstvima rada, drugim potrepsšinama i uslugama koje su primjerene tom radnom mjestu i prikladne za obavljanje njegovih dužnosti, u skladu važećim propisima koji regulišu ovu oblast.

**Član 15.**

Policijski službenik podliježe disciplinskoj odgovornosti za povrede službene dužnosti, nastale kao rezultat njegove krivice, te materijalnoj odgovornosti za štetu koju prouzrokuje namjerno ili iz krajnje nepažnje tokom obavljanja dužnosti.

**Član 16.**

Policijski službenik može ovaj ugovor otkazati pismenim putem, bez obaveze navođenja posebnog razloga za otkaz.

**Član 17.**

Policijskom službeniku će prestati radni odnos u slučajevima propisanim u odredbama Zakona koje se odnose na osnove prestanka radnog odnosa.

**Član 18.**

Ugovorne strane su saglasne da će eventualne sporove oko prava i dužnosti utvrđenih ovim ugovorom rješavati sporazumno, a ukoliko do sporazuma ne dođe, da spor rješava nadležni sud prema sjedištu Uprave policije.

**Član 19.**

Policijski službenik je saglasan da Uprava policije može vršiti obradu njegovih ličnih podataka u preduzimanju nadležnih poslova, a za vrijeme trajanja ugovora o radu.

**Član 20.**

U svemu što nije regulisano ovim ugovorom, primjenjivat će se važeći Zakon o policijskim službenicima Kantona Sarajevo, kolektivni ugovor, te ostali zakonski i podzakonski akti kojima se uređuju prava i obaveze policijskih službenika.

**Član 21.**

Ovaj ugovor sačinjen je u tri istovjetna primjerka, od kojih jedan primjerak zadržava policijski službenik, a dva primjerka Uprava policije.

Datum: \_\_\_\_\_

Broj: \_\_\_\_\_

\_\_\_\_\_  
POLICIJSKI SLUŽBENIK

\_\_\_\_\_  
POLICIJSKI KOMESAR

MP

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19 i 31/19), člana 127. tačka f) i člana 42. stav (5) Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), na prijedlog policijskog komesara, ministar unutrašnjih poslova Kantona Sarajevo donosi

**PRAVILNIK**

**O KRITERIJIMA I NAČINU UTVRĐIVANJA  
ZDRAVSTVENE SPOSOBNOSTI POLICIJSKIH  
SLUŽBENIKA UPRAVE POLICIJE MINISTARSTVA  
UNUTRAŠNJIH POSLOVA KANTONA SARAJEVO**

**POGLAVLJE I - OPĆE ODREDBE**

**Član 1.  
(Predmet)**

Ovim pravilnikom uređuju se kriteriji i način utvrđivanja zdravstvene sposobnosti policijskih službenika u Upravi policije u Ministarstvu unutrašnjih poslova Kantona Sarajevo (u daljnjem tekstu: Uprava policije) i kandidata koji se upućuju na ljekarski pregled iz člana 58. Zakona o policijskim službenicima Kantona Sarajevo ("Službene novine Kantona Sarajevo", br. 38/18 i 26/19), kao i druga pitanja koja se odnose na zdravstveni pregled policijskog službenika i psihofizički pregled policijskog službenika nakon upotrebe sredstava fizičke sile, nakon upotrebe vatrenog oružja ili učešća u visokorizičnim akcijama.

**Član 2.**

(Ustanova koja vrši provjeru i utvrđivanje zdravstvene sposobnosti)

- (1) Provjeru i utvrđivanje zdravstvene sposobnosti policijskih službenika u Upravi policije i kandidata koji učestvuju u proceduri zapošljavanja i upućivanja na osnovnu obuku za kadete vrši Zavod za zdravstvenu zaštitu zaposlenika Ministarstva unutrašnjih poslova Kantona Sarajevo (u daljem tekstu: Zavod).
- (2) Međusobni odnosi Uprave policije i Zavoda se regulišu posebnim ugovorom, ukoliko ti odnosi nisu regulisani na drugačiji način.